

plurimis angustis rufescenti-brunneis notatis et e punctis nigris nigro-spinulosis; membrana fusca pallide transverso-fasciata, venis albidis. Antennarum articulis 2 ultimis simul sumptis 2° brevioribus, 4° $\frac{1}{2}$ 3ⁱ subæquilongo.

Long. 4, lat. 2 m. m.

Hab. in regione *Commidendri robusti* DC., ad "Peak Gut."

16. *PSALLUS VINACEUS*, sp. n.

P. gracilis, obscure vinaceus, nitidus, capillis pallidis sublongis vestitus; antennarum articulo 1° et 2° ad apicem, rostro, scutello ad apicem, clavi disco, guttulis in disco corii, sutura inter corium cuneumque, cuneo ad apicem, femoribus ad apicem, tibiis tarsisque plus minus testaceis vel vinaceo-testaceis; clavi parte pallida, femoribus posticis ad apicem et tibiis posticis plus minus vinaceo maculatis; apicibus rostri tarsorumque necnon membrana fuscis, hac basi et fascia transversa pone cellulas dilutioribus, venis albidis, venis cellulae exterioris interdum rufis; tibiis e punctis nigris nigro-spinulosis. Antennarum articulis 2 ultimis simul sumptis 2° æquilongis, 4° quam dimidium 3ⁱ brevior.

♂ ♀. Long. 3-3 $\frac{1}{2}$, lat. 1 $\frac{3}{4}$ m. m.

Hab. in editioribus insulae, ad "Diana's Peak."

Very like a small dark form of *Psallus lutosus*, but distinguished by its slenderer and more shining form, longer and less golden pubescence, more slender legs and antennæ, the more uniform darker markings, and more convex pronotum with less concave hind margin.

17. *NABIS CAPSIFORMIS*, Germ.

Hab. in intermediis insulae, ad "Plantation."

An African and American species, possibly (probably?) introduced.

VERNONIA, gen. nov.

Corpus elongatum. Caput ante oculos oblongo-productum, parte anteoculari parti postoculari subæquali; clypeo distinctissime convexo-elevato, angusto, jugis depresso-rotundatis, medium versus constrictis, ad apicem leviter incrassatis. Oculi sat magni. Ocelli desunt. Rostrum 4-articulatum, coxas posticas attingens, gracile, articulo 1° brevi, duplo longiore quam latiore, 2° 3°que longis, subæqualibus. Antennæ setaceæ, gracillimæ, corpore $\frac{1}{4}$ longiores, articulo 1° quam caput $\frac{1}{2}$ longiore, 2° quam primus $\frac{1}{4}$ longiore, 3° 2° æquilongo, 4° brevissimo. Pronoti lobus anticus lobo postico angustior; lobus posticus lateribus subparallelis obtuse et callose marginatis instructus, ante marginem posticum truncatum leviter transverse sulcatus. Scutellum latius quam longius, ad basin transverse modice elevatum. Elytra abbreviata, scutello tantum duplo longiora, ad apicem rotundata, coriacea, marginata. Acetabula antica postice aperta, a basi prostethii excisa; mesosternum carina, pone medium distinctissima, instructum; orificia subobscura ante coxas posticas sita. Pedes gracillimi et longissimi; coxæ longiusculæ; tibiæ anticæ seriebus duabus, tibiæ